

AIMERI DE PEGUILAIN.



I.

- D**OMNA, per vos estauc en greu turmen.
— Senher, que fols faitz qu'ieu grat no us en sen.
— Domna, per dieu aiatz en chاوزimen.
— Senher, vostres precz y anatz perden.
— Bona dona, ja us am ieu finamen.
— Senher, et ie us vuelh pietz qu'a l'otra gen.
— Domna, per so n'ai ieu lo cor dolen.
— Senher, et ieu alegre e jauzen.

- Domna, ja muer per vos ses nulh cofort.
— Senher, ben trop n'auretz fag lonc acort.
— Domna, ja es ma vida piegz de mort.
— Senher, so m platz sol que no us n'aya tort.
— Domna, de vos non ai mas desconort.
— Senher, e doncs cujatz qu'ie us am pèr fort?
— Domna, ab un semblan m'agratz estort.
— Senher, respieit non aiatz ni conort.

- Domna, vauc doncs alhors clamar merce.
— Senher, anatz; e doncs, qui vos rete?
— Domna, no puesc que vostr' amors me te.
— Senes cosselh, senher, o fay de me.

— Domna, trop mal mi respondetz ancse.
— Senher, quar piegz vos vuelh qu'a outra re.
— E doncs, dona, no m faretz ja nulh be!
— Senher, aissi er cum dizetz, so cre.

Amors, gitat m'avetz a no m'en cal.

— Amics, per dieu vos en puesc far ren al.

— Amors, e vos ja meretz de tot mal.

— Amics, per so us en trairei san e sal.

— Amors, per que m fetz chاوزir don'aital?

— Amics, ieu vos mostrei so que mais val.

— Amors, no puesc sofrir l'afan coral.

— Amics, per so queira m'autre logual.

Amors, en tot quan faichs vos vei falhir.

— Amicx, a gran tort me voletz laidir.

— Amors, e doncs per que ns voletz partir?

— Amicx, quar greu m'es quan vos vey morir.

— Amors, ja no cujetz qu'alhors me vir.

— Amicx, per so pessatz del ben suffrir.

— Amors, sembra us si ja'n poirai jauzir?

— Amicx, oc, vos sufren et ab servir.

II.

EN greu pantays m'a tengut longamen
Qu'anc no m laisset ni no m retenc amors,
Et a m saiat de totas sas dolors,
Si que de tot m'a fag obedien;

E, quar mi sap afortit e sufren,
A m si cargat de l' amoros afan
Qu' els melhors cen non sufririon tan.

Qu' amar mi fai mal mon grat finamen
Lieys qu' ilh m' a fag chاوزir part las gensors,
Et agra m' ops que m fes chاوزir alhors,
Q' assatz val mais guazanhar en argen
Que perdr' en aur, segon mon escien;
Mas ieu o fatz a ley de fin aman,
Qu' ieu fug mon pro e vauc seguen mon dan.

E s' ieu cum fols sec mon dan folamen,
A tot lo mens m' er la foudatz honors,
Qu' ieu ai ja vist faire mantas folhors
Que tornavon a saber et a sen,
Et ai vist far mans fagz saviamen
Que tornavon a folhia trop gran,
Per qu' ieu cug far sen, quan vauc folheian.

E vos, dona, qu' avetz valor valen,
Aissi cum etz miellers de las melhors,
Valha m merces et oblit vos ricors,
E no gardetz razo mas chاوزimen,
Que so que l' us pueia l' autre dissen,
So que razo creys merces vai merman;
Si us platz, aucir me podetz razonan.

Pauc vos calra del mieu enansamen,
S' aissi gardatz vostras valens valors,

Lo dous esgartz e la fresca colors,
Qu'enquera m son al cor vostr' uelh rizen,
Li cortes dig amoros e plazen,
E quar ieu plus soven no us vau denan,
A pauc miey huelh estra mon grat no i van.

Reys d'Arago, flors etz d'essenhamen,
Fuelha de gaug, frugz de bos fagz donan,
Vos etz de pretz mayestres ses enjan.

Coms Cumenges, grat e merces vos ren,
Quar ses donar m'avetz donat aitan
Qu'endreg d'onor val un don autre gran.

III.

DE tot en tot es ar de mi partitz
Aquelh eys joys que m'era remazutz.
Sabetz per que suy aissi esperdutz?
Per la bona comtessa Beatritz,
Per la gensor e per la plus valen
Qu'es mort' uei. Dieus! quan estranh partimen
Tan fer, tan dur, don ai tal dol ab me
Qu'ab pauc lo cor no m part quan m'en sove.

On es aras sos belhs cors gen noiritz,
Que fos pels bos amatz e car tengutz?
E i venia hom cum si fezes vertutz,

Que ses son dan saup far guays los marritz,
E quan quascun avia fag jauzen,
Tornava 'ls pueys en maior marrimen
Al comiat, qu'om non avia be,
Des qu'en partis, que no i tornes dese.

Qu'el sieus solatz era guays e chautitz,
E l'aculhir de ben siatz vengutz,
E sos parlars fis et aperceubutz,
E'l respondre plazens et abelhitz,
E sos esguars dous un pauc en rizen,
E sos onrars plus onratz d'onramen;
De totz bos ayps avia mais ab se
Qu'otra del mon e de beutat, so cre.

Per cui er hom mais honratz e servitz!
Ni per cui er bos trobars entendutz!
Ni per cui er hom tan gent ereubutz!
Ni per cui er belhs motz ris ni grazitz!
Ni per cui er belhs chans fagz d'avinen!
Ni per cui er domneys en son enten!
Diguatz per cui, ni cum si, ni per que!
Ieu non o sai, ni mos cors non o ve.

Domna, jovens es ab vos sebelhitz;
E gaugz entiers sosterratz e perdutoz;
Ja s tenia sol per vostras salut
Tot hom ses plus per rics e per guaritz:
Dol pot aver qui vi vostre cors gen,
E qui no'l vi dol, mas non tan cozen;
Autra vista no i poc metre pueys re,
Tant ac lo cor, qui us vi, del vezer ple!

NA Beatritz, dieus qu'es ple de merce
Vos companha ab mair' et ab se.

AIMERIC DE PEGULHAN.

XXXVII

Parn. Occ., p. 169.

N'Aimerics de Pegulha fon de Toloza, fils d'un borzes
l'era mercadiers de draps. Et apres cansos e sirventes ;
mas mot mal cantava. E enamoret se d'una borzeza sa
vezina, et aquela amors li mostret trobar, e fes de lieis
mantas bonas cansos. Mas lo maritz se mesklet ab lui et fes 5
li desonor : e'n Aimerics s'en venget, qu'el lo ferit ab una
espaza per mieg lo cap, per que'l convenc a faizir de Toloza.
E anet s'en a'n Guillems de Berguedan que l'aculhit ; et
enanset lui e son trobar en la primieira chanso qu'el avia
faita, tan qu'el li donet son palafre e son vestir : e presentet 10
lo al rei n'Anfos de Castella, que'l crec d'aver e d'armas e
d'onor. E lai estet lonc temps ; pueis s'en venc en Lom-
bardia, on tug li bon home li feron honor : e lai definet en
eretgia, segon c'om ditz.

E fon aventura que'l maritz guerit de la nafra e anet a San 15
Jacme. E'n Aimerics saup o e ac voluntat d'intrar en
Toloza. E venc s'en al rei e dis li que si plazia volria anar
vezer lo marques de Montferrat ; e'l rei si'l det bando
d'anar e mes lo en armas de totas res. E'n Aimerics dis al
rei que passar volia a Toloza, mas regart avia de so qu'el 20
sabia, qu'el rei sabia tot lo fag e vi que la amor de sa dona
lo tirava, e det li companha tro Monpeslier. Et el det as
entendre tot lo fag als companhos e qu'els li ajudesso, qu'el
volia vezer sa dona en forma de malaute ; et els responderon
qu'els feran tot so que comandaria. E quan foron a Toloza, 25
los compans demanderon l'alberc del borzes, e fon lor ensen-
hatz. E troberon la dona e disseron li que un cozi del rei
de Castella era malautes, que anava en pelerinatge ; e que'l
plagues que lainz pogues venir. Ella respos que lainz seria
servitz et onratz.

E'n Aimerics venc de nueg e'ls companhos colqueron l
en un bel lieg. E'l endema n'Aimerics mandet per la dona
e la dona venc en la cambra e conoc n'Aimeric e det s
grans maravilhas e demandet li com era pogut intrar e
Toloza. E el li dis que per s'amor; e comtet li tot lo fa
E la dona fes parvent que'l cubris dels draps e baizet l
D'aqui enan no sai co fo, mas tan que detz jorns lai est
n'Aimerics per occaizo d'esser malautes. E cant s'en pa
d'aqui anet s'en al marques, on fon ben aculhit.

XXXVIII

Monaci, col. 58.

Sicum l'albres que per sobrecargar
fraing se mezeis e pert son fruig e se,
ai eu perdut ma bella dompna e me,
e mos engeins se fraing per sobramar.
pero sitot me sui apoderatz,
anc jorn non fi mon dan ad escien,
anceis cuich far tot so que fatz ab sen ;
mas er conosc que trop sobra il foudatz.

E non es bon c'om sia trop senatz
que a sazos non sega s'ón talen ;
e si no i a de chascun mesclamen,
non es bona sola l'una meitatz.
ben esdevèn hom per sobresaber
nescis e'n vai maintas vetz follejan ;
per que s'eschai qu'om an en luoc mesclan
sen ab foldat, qu'il's sap gen retener.

Las, qu'ieu non ai mi mezeis en poder,
anz vau mon dan enqueren e cercan,
e vuoill trop mais perdre e far mon dan
ab vos, dompna, c'ab outra conquerer,

c'ancse cuig far en aquest dan mon pro
e que savis en aquesta follor.
pero a lei de fol fin amador
m'avetz ades, on pieitz mi faitz, plus bo.

Non sai nuill hoc, per qu'ieu des vostre no ; 25
pero soven tornon mei ris en plor,
et eu cum fols ai joi de ma dolor
e de ma mort, quand vei vostra faisso.
co'l basalencs c'ab joi s' Janet aucir,
quand el mirail se remiret e'is vi : 30
tot atressi etz vos mirails a mi,
que m'aucietz, quan vos vei ni'us remir.

E no'us en cal, quan mi vezetz morir,
abanz o faitz de mi tot atressi
cum de l'enfan c'ab un maraboti 35
fai hom del plor sebrar e departir ;
e puous quand es tornatz en alegrier
et hom l'estrai so que'il donet e'il tol,
et el adoncs plora e fai major dol
dos aitans plus que no fetz de primier. 40

Tiriaca, jes vostre pretz non col
de meillurar, c' uoi valetz mais que hier.

XXXIX

Appel, No. 73.

Ara parra qual seran enveyos
d'aver lo pretz del mon e'l pretz de Dieu,
que be'ls poiran guazanhar ambedos
silh que seran adreitamen romieu
al sepulcre cobrar. las, cal dolor 5
que Turc aian forsat nostre senhor !

ensem el cor la dezonor mortal,
e de la crotz prendam lo sanh senhal,
e passem lai, que'l ferms e'l conoissens
nos guizara, lo bos pap' Innocens !

Doncs, pus quascus n'es preguatz e somos,
tragua's enan e senh s'el nom de Dieu,
qu'en la crotz fo mes entre dos lairos,
quan, ses colpa, l'auciron li Iuzieu ;
quar, si prezam leialtat ni valor,
son dezeret tenrem a desonor ;
mas nos amam e volem so qu'es mal,
e soanam so qu'es bon e que val.
[que'l vieure sai es a totz defalhens ;
del murir lai serem totz temps iauzens.]

Non deuria esser hom temeros
de suffrir mort el servizi de Dieu,
qu'elh la suffri el servizi de nos,
don seran sal essem ab Sant Andrieu
silh que'l segran lai vas Monti-Tabor,
per que negus non deu aver paor
el viatge d'aquesta mort carnal ;
plus deu temer la mort espirital,
on seran plors et estridors de dens,
que San Matieus o mostr' e n'es guirens.

Avengutz es lo temps e la sazos
on deu esser proat qual temon Dieu,
qu'elh non somo mas los valens e'ls pros ;
car silh seran totz temps franchamen sieu
qui seran lai fi e bo sofridor
e afortit e bon combatedor
e franc e larc e cortes e leyal,
e remanran li menut e'l venal,
que dels bos vol Dieus qu'ab bos fagz valens
se salvon lai, et es belhs salvamens.

E si anc Guillems Malespina fon bos
en est segle, ben o mostra en Dieu,
qu'ab los prumiers s'es crozatz voluntos
per socorre'l sant sepulcr' e son fieu,
don an li rey colp' e'l emperador, 45
quar no fan patz et acort entre lor
per desliurar lo regisme reyal
e'l lum e'l vas e la crotz atretal,
qu'an retengutz li Turc tan 'longuamens
que sol l'auzirs es us grans marrimens. 50

Marques de Monferrat, vostr' ansessor
agron lo pretz de Suri' e l'onor,
e vos, senher, vulhatz l'aver aital ;
el nom de Dieu vos metetz lo senhal
e passatz lai, que pretz et honramens 55
vos er el mon, et en Dieu salvamens !

Tot so qu'om fai el segl' es dreitz niens,
si a la fi non l'aonda sos sens.

AIMERIC DE PEGULHA.

2701, 7225, 7614.

AIMERIC DE PEGULHA fon de Toloza, fils d'un borzes qu'era mercadiers de draps. Et apres cansos e sirventes; mas mot mal cantava. E enamoret se d'una borzeza sa vezina, et aquela amors li mostret trobars e fes de leis mantas bonas cansos. Mas lo marit se mesklet ab lui e fes li desonor: en Aimeric s'en venget, que l ferì ab una espaza per mieg lo cap, per que l covenc à faizir de Toloza. E anet s'en à'n G. de Berguedan que l'aculhi; et enanset lui e son trobar en la primeira chanso qu'el avia feita, tan qu'el li donet son palafre e son vestir: e presentet lo al rei n Amfos de Castella, que l crec d'aver e d'arnes e d'onor. E lai estet lonc temps; pueis veg s'en en Lombardia, on tug li bon home li feron honpr: e lai definet en eretgia, segon c'om ditz.

E fon aventura que'l marit guerit de la nafra e anet à San Jacme. En Eimeric saup o e ac voluntat d'intrar en Toloza. E venc s'en al rei e dis li que si plazia volria anar vezer lo marques de Monferrat; e l rei si l det bando d'anar, e mes lo en arnes de totas res. En Aimeric dis al rei que passar volia à Toloza, mas regar avia de so qu'el sabia, qu'el rei sabia tot lo fag e vi que la amor de sa dona lo tirava, e det li companha tro Montpellier. Et el det as entendre tot lo fag als companhos e qu'els li ajudesso, qu'el volia vezer sa dona en forma de malaute: et els responderon qu'els feran tot so que comandaria. E quan foron à Toloza, los companhs demanderon l'alberc del borzes, e fon loz ensenhatz. E troberon la dona e disseron li que un cozi del rei de Castella era malautes, que anava en pelerinatge; et que l plagues que lainz pogues venir. Ella respos que lainz seria servitz et onraiz.

En Aimeric venc de nueg e'ls companhos colqueron lo en un bel lieg. E lendema n Eimeric mandet per la dona; e la dona venc en la cambra e conoc n Aimeric, e det se grans maravilhas e demandet li com era pogut intrar en Toloza. Et el li dis que per s'amor; e comtet li tot lo fag. E la dona fes parvent que l cubris dels draps e baizet lo. D'aqui enam no sai co fo, mas tan que X jorns lai estec n Eimeric per occaizo d'esser malautes. E cant s'en parti d'aqui anet s'en al marques, on fon ben aculhit.

DOMNA per vos estauc en greu tormen.
 Senher fols es, qu'ieu nul grat nous en sen.
 Domna, per dieu aiatz-en cauzimen.
 Senher vostres precz hi anatz perden.
 Bona Domna jaus am ieu finamen.
 Senher et ieus volh pietz qu'à l'autra gen.
 Domna per so n'ai eu lo cor dolen.
 Senher et ieu alegres e jauzen.

Domna, ja mor per vos ses nul cofort.
 Senher be trop n'auretz fait lonc acort.
 Domna ja es ma vida piegz de mort.
 Senher so m platz, sol qu'ieu non aia tort.
 Domna de vos non ai mas desconort.
 Senher, edones cujatz queus am per fort?
 Domna ab un semblan m'agratz estort.
 Senher respieitz noi aiatz ni conort.

Domna vauc donc alhors clamar merce.
 Senher anatz; e doncs qui vos rete?
 Domna no posc, que vostr'amor me te.
 Senes cosselh, senher, o fas de me.
 Domna trop mal me respondes ancse.
 Senher quar piegz vos volh qu'az outra re.
 E doncs, domna, no m faretz ja nul be?
 Senher aissi er com dizetz so cre.

Amors gitat m'avetz à no m'en cal,
 Amics, per dieu no posc faire ren al.
 Amors e vos ja m'erez de tot mal.
 Amics per so von trairei san e sal.
 Amors per que m fetz cauzir dbmn'aïtal?
 Amics ieu vos mostrei so que mais val.
 Amors, no posc sufrir l'afan coral.
 Amics, per so queram autre logal.

Quar es de son lóc partitz
Domneis , que ja fo prezatz ,
Me soi alques desviatz
De joi , tan m'estau marritz.
Qu'entr' amairitz et amans
S'es mes us palès engans ,
Qu'enganan cre l'us l'autre far son pro ;
E noi guardo temps ni per que ni quo.

Qu'ieu vi ans que fos faiditz ,
Si fos per amor donatz
Us cordos , qu'adreg solatz
N'issi e cortz et covitz.
Per que m par que dur dos tans
Us mes no fazi' us ans
Quan renhava domnei ses tracio :
Greu es qui vei com es e sab quo fo.

E non estau relenquitz ,
Si tot mi soi desamatz ,
Qu'ieu no si' enamoratz
De tal qu'es cim e razitz
De pretz , tan qu'à mi es dans ;
Pos la valor e'l semblans
Son assemblatz en tan bella faisso ,
Qu'om noi pot neis pessar melhorazo.

Ai ! bel cors cars , gen noiritz ,
Adretz e be faissonatz ,
So qu'ieus volh dir devinatz ;
Qu'ieu no` soi ges tan arditz
Queus prec que m'ametz , abans
Vos clam merce mercejans :
Sufretz queus am e nous quier autre do ;
E ges d'aquest no m devetz dir de no.

Ves Malespina vai cants
Al pro Guillem qu'es prezatz ,
Qu'el aprendra de tu los motz e'l so ,
Qual que s volha per vers o per canso.

Na Beatritz d'Est l'enans
De vos mi platz que s fa grans ,
Qu'à vos lauzar s'en son pres tug li bo ,
Per qu'ieu de vos dauri mo vers-canso.
